

Julio Thomas La Hatene Kiak no Alberto Simu Osan Forsa 2020

Contributed by CJITL Editor
 Wednesday, 17 March 2010
 Last Updated Wednesday, 17 March 2010

CJITL Flash, Relasiona ho preokupasaun deputadu husi opozisaun ne'ebé kestiona konaba arguidu Kiak no Alberto ne'ebé simu subsidu hamutuk U\$1.600 husi governu iha tinan kotuk tanba konsidera nudar forsa 2020, rejenta totalmente husi Sekretariu Estadu Defeza, Julio Thomas Pinto.

Deputada Fernanda Borges iha Parlamentu Nasional, Tersa ne'ebé hateten arguidu Kiak ho Alberto simu osan subsidu husi governu liu husi Ministeriu Solidariedade Sosial-MSS US\$ 1.600,00 iha fulan Dezembru tinan kotuk tamba sira pertensia ba forsa Vinti-vinti.

Florindo de Jesus alias "KIAK" no Alberto da Costa Belo akuzadu tanba involve iha krizi politika militar iha tinan 2006 hodi tiru mate membru Polisia Nasional Timor Leste (PNTL) iha Rotunda Kaikoli-Dili no ema sivil ida iha Becora Mota Ulun.

Iha fulan kotuk liu husi Tribunal Distrital Dili fo ona sentesa ba arguidu KIAK tinan 8 fulan 6 no Alberto da Costa Tinan 6 fulan 6.

Maibe governu liu husi SED la rekuinse arguidu nain rua nudar membru husi forsa 2020 ne'ebé governu planu. No tuir Eis observador politika no militar ne'ebé katak arguidu nain rua ne'ebé simu osan subsidu husi Ministeriu Solidariedade Sosial ne'ebé tanba konsidera nudar vitima ba krizi 2006 maibe la'os tanba hanesan membru forsa 2020.

"Hau nu'udar SED hau so esplika dokumentu ofisial ne'ebé koalia konaba planu forsa 2020 ne'ebé mai husi 2005 nian", dehan Julio.

Agora deklarasaun ne'ebé hateten katak ami selu osan ba sira ne'ebé lalos, tuir investigasaun SED nian katak osan ne'ebé sira simu ne'ebé estadu rekuinhese duni hanesan mos vitima IDP's sira iha kriji 2006, sira selu duni ba grupu balun inklui Kiak ho nia kolega sira, sira simu duni osan husi vitima kriji 2006, laiha dokumentu legal ida esplika katak sira forsa 2020", dehan Thomas Pinto.

Nia mos esplika konaba vizaun forsa 2020 katak presiza iha planu ne'ebé diak hodi dezenvolve forsa iha rai ida ne'ebé.

Tanba ne'ebé nia husu ba deputada husi Partidu Unidade Nasional, Fernanda Borges atu koalia sukatibun wainhira hato'o politika partidu iha plenaria tanba bele halo konfuzaun ba comunidade hodi intreperta asuntu forsa vinti-vinti ne'ebé.

Nune'ebé mos Sekretariu Estadu Defeza ne'ebé deklara katak rumores dehan KIAK no Alberto nudar membru forsa vinti-vinti ne'ebé hanesan rumores falsu.(Emy/CJITL)